

ԱՐՄԱՎԻՐԻ ՄԱՐԶԻ ՀԱՅԿԱՇԵՆ ՀԱՄԱՅՆՔԻ ՂԵԿԱՎԱՐԻ 2014թ.
ՏԱՐԵԿԱՆ ՀԱՇՎԵՏՎՈՒԹՅՈՒՆ

Հարգելի Հայկաշեն համայնքի բնակիչներ, ավագանու անդամներ և հյուրեր: Գործող կարգի և Տեղական ինքնակառավարման մասին Հայաստանի Հանրապետության օրենքի համաձայն Ձեր քննարկմանն են ներկայացնում ըստ բնագավառների գյուղապետարանի, համայնքի ղեկավարի և ավագանու 2014 թվականի տարեկան գործունեությունը: 2014 թ-ի ընթացքում համայնքի ղեկավարը հրավիրել և վարել է ավագանու 8 նիստ: Նիստերի ընթացքում լսվել են տարբեր հարցեր և ընդունվել է ավագանու համապատասխան որոշումներ: Ավագանու որոշումները յոթ օրյա ժամկետում ուղարկվել է մարզպետարան:

Սահմանվել է 2014թ-ին գումարվելիք ավագանու նիստերի ժամանակացույցը: Ընդունվել են համայնքի ղեկավարի 23 որոշումներ և արձակվել են 9 կարգադրություններ:

Այժմ մեր գործունեությունը ներկայացնեմ ըստ բնագավառների`

1. Քաղաքացիների և տնտեսվարող սուբյեկտների պաշտպանության բնագավառում`

Համայնքի ղեկավարը իր իրավասությունների շրջանակներում պաշտպանել է համայնքի բնակիչների շահերը, կազմակերպել է համայնքի բնակչության հաշվառում . այն է`

Մշտական բնակչություն 1494 մարդ. որից`

1. Թոշակառու –138

2. Նպաստառու ընտանիքներ – 14
3. Զոհված ազատամարտիկ – 1 ընտանիք
4. Հաշմանդամ – 13
5. Միակողմանի ծնողազուրկ – 2 ընտանիք
6. Երկողմանի ծնողազուրկ -- 1 ընտանիք
7. Բազմազավակ – 12 ընտանիք
8. Փախստական - 1 ընտանիք

Կատարվել են 212 քաղաքացիների ընդունելություններ, քննության է առնվել նրանց առաջարկությունները, քննարկվել են քաղաքացիների կողմից ներկայացրած 54 դիմում - բողոքները և ձեռնարկվել համապատասխան միջոցներ : Բնակչությանը տրամադրվել է բոլոր անհրաժեշտ փաստաթղթերը և 225 տեղեկանք:

2. Ֆինանսների բնագավառում իրականացվել է՝

Հաստատվել է 2013թ-ի բյուջեի կատարման տարեկան հաշվետվությունը: Սահմանվել են 2015 թվականի համար համայնքի վարչական տարածքում տեղեկան տուրքերի և վճարների դրույքաչափերը և ներկայացվել ավագանու հաստատմանը : Հաստատվել է 2015 թվականի բյուջեն: Կազմակերպվել է հողի հարկի, գույքահարկի և տեղական տուրքերի գանձման աշխատանքները : Հարկերը չվճարող անձանց նկատմամբ կիրառվել են համապատասխան միջոցներ : 2014թ-ի բյուջեն կատարվել է 100 % - ով:

3. Հասարակական կարգի պահպանության բնագավառում՝

Բնակչության կողմից հասարակական կարգի խախտման դեպքեր չեն արձանագրվել :

Ոստիկանության կողմից համայնքում և համայնքի բնակիչների կողմից իրականացված իրավախախտումների վերաբերյալ տվյալներ համայնքի ղեկավարին չի տրամադրվել :

4. Պաշտպանության բնագավառում`

Կազմակերպվել է 2014թ-ի ամառային և ծնեռային զորակոչերի ընթացքը : Երիտասարդների հետ տեղի են ունեցել հանդիպումներ, որոնց ընթացքում նրանց հետ տարվել է ռազմա-հայրենասիրական դաստիարակչական աշխատանքներ : Ջորակոչային տարիքի երիտասարդները ժամանակին են ներկայացել տարածքային զինկոմիսարիատ : Նրանց անձնական գործերը կազմվել և ժամանակին ներկայացվել է զինկոմիսարիատ :

- Սոցիալապես անապահով զինծառայողների ընտանիքներին ցույց է տրվել օժանդակություն և աջակցություն : Ոմանց տրամադրվել են փաստաթղթեր ներկայացնելու ՀՀ Պաշտպանության նախարարություն` իրենց բնակարանային խնդիրները լուծելու համար:

Մայիսի 9-ին մեծ հանդիսավորությամբ Հայրենական Մեծ պատերազմի զոհերի հուշարձանի տարածքում կազմակերպվել է միջոցառում , որտեղ համայնքի շուրջ 80% մասնակից քաղաքացիներից շատ-շատերը իրենց երախտիքի խոսքերն արտահայտեցին Շուշիի ազատագրմանը մասնակցած Հայկաշենցի ազատամարտիկների, Արցախյան պատերազմում զոհված Գագիկ Կիրակոսյանի և Մեծ հայրենականում զոհվածների կատարած սխրագործությունների մասին: Բարեկարգվել և կառուցապատվել է հուշարձանի հարակից այգին:

5. Քաղաքաշինության բնագավառում`

2014 թվականի սեպտեմբերից ձեռնամուխ ենք եղել համայնքի մանկապարտեզի նոր շենքի շինարարությանը: Մանկապարտեզի շինարարությանը օժանդակում է հովանավորում է «Արարատ-37» Հայ-ֆրանսիական բարեգարծական կազմակերպությունը, որն արդեն տրամադրել է 14000 եվրո գումար: Աշխատանքները ընթանում են գրաֆիկով: Որոշ քաղաքացիների տրվել է շինարարական թույլտվություն , արգելվել է ապօրինի շինարարությունը : Կատարվել են փողոցների կառուցապատման և բարեկարգման աշխատանքներ: Պայմանագրային հիմունքներով կանոնավոր կերպով կատարվում է աղբահանություն` շաբաթը մեկ անգամ պարբերականությամբ: Մեծ ուշադրություն է դարձվել համայնքի սանիտարահիգիենիկ պայմանների վրա :

6. Հողօգտագործման բնագավառում`

Կատարել ենք համայնքի վարչական տարածքի հողերի հաշվառումը և կազմել հողային հաշվեկշիռը` այն է
Համայնքի վարչական տարածքը - 1036.14 հա
որից`

1. Վարելահողեր – 489.54 հա
2. Տնամերձ հողեր – 108.23 հա
3. Պետական սեփականության հողեր 55.21 հա
4. Աճուրդային կարգով օտարված հողեր – 143.26 հա
5. Համայնքային սեփականության հողեր – 147.51 հա

Համայնքում ապօրինի հողօգտագործողներ չկան : Վարելահողերի փակ դրենաժային համակարգի խցանման պատճառով հողամասերի բարելավման աշխատանքները չեն իրականացվում,

տեղի է ունենում հողերի երկրորդային աղակալում , ընկել է հողերի բերրիությունը: Այս առընչությամբ ժամանակին գրություն է ուղարկվել Արմավիրի մարզպետարան, և ակնկալում ենք մարզպետ պ/ն Ա . Ղահրամանյանի աջակցությունը ` համայնքի շուրջ 130 հա 4-րդ կարգի վարելահողերի գնահտման խումբը փոխելու 5-րդ կարգի :

Համայնքի վարչական տարածքում կառուցվում են 2 հատ ջրհան կայքններ, որոնց շահագործումից հետո վարելահողերի շուրջ 65-ից 70%-ը կապահովվի ոռոգման ջրով:

Համագործակցում ենք Արմավիրի ԳԱՄԿ-ի հետ և նրանց տրամադրած բույսերի հիվանդությունների և վնասատուների դեմ պայքարին վերաբերվող տեղեկատվությունը տրամադրվել է հողօգտագործողներին:

7. Առևտրի և սպասարկման բնագավառում`

Առևտրի օբյեկտներին տրվել է ոգելից խմիչքների և ծխախոտի վաճառքի թույլտվություն և սահմանվել է յուրաքանչյուր եռամսյակի համար տասը հազար դրամ տեղական տուրք և հաստատվել է ավագանու կողմից : Տեղական տուրքերը և վճարները գանձվել է 100 %-ով :

8. Տրանսպորտի բնագավառում`

Հաճախակի կազմակերպվում են համայնքի փողոցների բարեկարգման աշխատանքներ , քանդված հատվածները , փոսերը լցվում են հողով և ավազով , կատարել ենք փողոցների գիշերային լուսավորության աշխատանքներ: 2011 թ-ի ապրիլի 15-ի համայնքի ավագանու N 08 որոշմամբ համայնքի բյուջեից 850.0 հազար դրամ գումար է հատկացվել հարավ-կովկասյան երկաթուղու 1250 կմ-ի

8 ՊԿ հատվածում երկաթգծանցի կառուցման համար և այդ աշխատանքները այժմ ընթացքի մեջ են :

9. Կրթության և մշակույթի բնագավառում`

Աջակցում ենք հանրակրթական դպրոցի գործունեությանը : «Վերջին զանգ» միջոցառման ժամանակ դպրոցի շրջանավարտներին տրվել է անձնական նվերներ և շնորհավորանքներ: Սեպտեմբերի 1-ին «գիտելիքի և դպրության» տոնի առթիվ կազմակերպվել է միջոցառում, որի ընթացքում առաջին դասարան հաճախող 8 աշակերտներին գյուղապետարանը նվիրել է դպրոցական պայուսակներ, գրենական պիտույքներ և այլ պարագաներ: Դպրոցում սովորում են 115 աշակերտներ, ապահովված է բարձրակարգ մասնագետներով: Այժմ դպրոցը մասնակի վերանորոգման ընթացքում է և այնտեղ ընթացող աշխատանքները համայնքի ղեկավարի ամենօրյա ուշադրության և հսկողության տակ են :

Դպրոցում գործում են գեղարվեստական ինքնագործ խմբակներ, որոնց գործունեությանը աջակցում է համայնքի ղեկավարը և այլ բարերարներ : Գործում է գրադարանը, որտեղ կա շուրջ 7000 կտոր բազմաբովանդակ գրականություն և որը պարբերաբար համալրվում է:

Մեծ աշխատանքներ են տարվում երիտասարդների դերի բարձրացման ուղղությամբ :

10. Առողջապահության և սպորտի բնագավառում`

Աջակցում ենք համայնքի բուժկետին, սանիտարահիգիենիկ, հակահամաճարակային միջոցառումների կատարման գործընթացին, որոնք ընթանում են պլանավորված ժամանակահատվածում և անթերի կերպով :

Համայնքի հանրակրթական դպրոցում կա անհրաժեշտ պարագաներով հագեցած սպորտդահլիճ , որտեղ ցանկացողները զբաղվում են սպորտով :

11. Աշխատանքի և սոցիալական ծառայության բնագավառում իրականացվել են`

Շուրջ 42 սոցիալապես անապահով ընտանիքների տրամադրվել է դրամական օգնություն` սոցիլական աջակցության տեսքով:

16 ընտանիքներ ներգրավվել են « Ընտանեկան նպաստ » ծրագրում : Աջակցում ենք երիտասարդ մասնագետների աշխատանքի ընդունմանը:

12. Գյուղատնտեսության բնագավառում իրականացվել են հետևյալ աշխատանքները`

Գարնան ընթացքում ներհամայնքային ոռոգման ցանցի ջրատարները մաքրվել են բուսական մնացորդներից և տիղմից , կատարվել են վերանորոգման աշխատանքներ : Կազմակերպվել են հանդիպումներ բնակչության հետ , որի ընթացքում արծարծվել են ցանքի հետ կապված հարցեր , մշակաբույսերի տարածված հիվանդությունների և ժամանակակից բուժման նոր մեթոդների լուսաբանման հետ կապված հարցերը : Շատերին տրվել են խորհուրդներ և ցուցումներ :

Մարզպետարանի միջնորդությամբ ձեռք ենք բերել անհրաժեշտ քանակությամբ ազոտական պարարտանյութ և մեկ պարկը 6000 դրամ արժողությամբ բաշխել նախապես ցուցակագրված հողատերերին:

Հարևան Գայ համայնքի վարչական տարածքում գործող գյուղմթերքների մեծածախս նորակառույց առևտրի շուկան նպաստում է գյուղմթերքների իրացմանը:

Կատարվել են գյուղ. կենդանիների հաշվառում. համայնքում առկա են`

խոշոր եղջ. կենդանիներ - 415 գլ.

որից`

կովեր - 218 գլ.

խոզեր - 70 գլ.

ոչխարներ - 490 գլ.

թռչուններ - 920 գլ.

Պարբերաբար հսկվում է համայնքի անասնաբույժի աշխատանքը , որպեսզի գյուղ. կենդանիների բուժ. պրոֆիլատիկ և հակահամաճարակային միջոցառումները կատարվել են ժամանակին և անթերի կերպով :

Համայնքում առկա են բազմաթիվ չլուծված խնդիրներ :

Գյուղը գազաֆիկացված չէ : Մշակույթի տունը վթարային վիճակում է, որն ունի կապիտալ վերանորոգման կարիք : Չկա գյուղապետարանի շենք և փոստատուն : Համայնքի փողոցները ունեն վերանորոգման և ասվալտապատման կարիք :

Կառուցվող ջրհան կայանների գործարկումից հետո վարելահողերի 65ից-70%-ը կապահովվի ոռոգման ջրով :

Համայնքի ղեկավար



Վ. Հովհաննիսյան